

BOITHUTO BA BIBELE IV

Lenane-Thuto

Notes

—

THUTO EA #1:

- I. Selelekela sa thuto.
- II. Karolo ea #1: Mal 2:17-3:6.

THUTO EA #2:

- II. Karolo ea #1: (nts'etso-pele.)
- III. Karolo ea #2: Mal 3:7-4:3.

THUTO EA #3:

- III. Karolo ea #2: (nts'etso-pele.)

THUTO EA #4:

- III. Karolo ea #2: (nts'etso-pele.)

THUTO EA #5:

- IV. Karolo ea #3: Mal 4:4-6.
- V. Qetello ea buka ea Malakiea.
Tlhahlobo.

BOITHUTO BA BIBELE IV

Notes

Tlhahlobo

Lithuto tsa “Boithuto bo Batsi ba tse kahare ho Bibeale”, ha li na litlhahlobo joaloka lithuto tse ling. Hantle-ntle, nako ea litlhahlobo, e sebelisoa ho etsa “Boithuto ba Bibeale.”

Thuto ena ea pele ea “Ts’ebeliso ea Boithuto ba Bibeale”, e tsoelapele ho shabana haholo le litemoho tse malebana le se ngoliloeng, le lipotso tse hlahisang botoloki le tsona li ea hlokoa. Moithuti o fua seratioana ka Bibeleng, e be o sebelisa nako ea litlhahlobo ho ithuta ka botebo seratioana seo, ‘me a hahe maikutlo a hae malebana le seo a se hlokomelang seratioaneng. Moithuti a ka a ba le litlhokomelo tse nagata ho ea kamoo nako e molumellang ka teng, empa o lokela ho nehelana ka tse leshome tsa bohlokoa-hlokoa. Litlhokomelo tsena tse Leshome, li ts’oauoa le ho beheloa limaraka ho ipapisitsoe le bohlokoa, botebo, ho hlaka, jj.c.

BOITHUTO BA BIBELE IV

I. Selelekela sa Thuto.

Notes

—

Selelekela sa Thuto:

Motheo oa Lithuto:

Selelekela sa Boithuto bo ka Sebetsang ba Bibe ba I le II le III.

Ena ke karolo ea bone ea Boithuto ba Bibe, e latelang Selelekela sa Boithuto ba Bibe. Lithuto tsa karolo ena li ipapisa le lintlha tse ileng tsa rutoa thutong ea Selelekela.

Re tla sebelisa kutloisiso ea mathomo ea Boithuto ba Bibe ho ithuta buka ea Malakiea. Re se re entse boithuto bukeng ea Bafilipi ka tseo re ithutileng tsona Selelekeleng, kahoo, re rata ho tsoelapele ho ithuta le ho akofisa Boithuto ba Rona ba Bibe.

Popeho ea thuto ena.

Re tla ithuta Malakiea 2:17-4:6. Ho tla ba le likarolo tse tharo:

- 1) Sepheo sa ho tla ha hae: Ho hloekisa (2:17-3:6).
- 2) Karabelo e nepahetseng bakeng sa ho tla ha hae: ho baka (3:7-4:3).
- 3) Tsebisano ea Semolao (4:4-6).

Karolo ka ngoe e tla ba le likaroloana tse tharo tsa boithuto:

- 1) Boithuto ba Khaeho kapa Tlhophiseho (hona ho tla kenyeletsa ts'ebetso e tla re tlosa ho temoho ho ea ho botoloki ho ea ho kamahanyo).

Karolong ena ea thuto re tla shebana haholo le botoloki, re lumelle bolokolohi (ho feta lithutong tse fetileng) ba ho tsoela kantle ho buka ea Malakiea ho araba lipotso tsa rona tsa botoloki.

Re tla etsa boithuto ba Mantsoe (ha ho hlokeha) karolong ena.

(tsoelapele leqepheng le latelang)

BOITHUTO BA BIBELE IV

Notes

- 2) Lintlha tsa Khaeho kapa tsa Tlhophiseho (re tla akaretsa thello ea likamano pakeng tsa karolo ka ngoe).
- 3) Qetello (hona ho tla kenyeletsa: lintlha tse qetellang; polelo e akaretsang serapa kaofela; le sehlooho sa mantsoe a 'maloana a ts'oereng moelelo oa serapa).

***hlokomela: re tla sebelisa li-Bibele tsohle tsa Sesotho.

A. Lethathamo la lintlha le akaretsang la Malakiea:

Lethathamo le latelang la buka ea Malakiea, le sebelisitsoe ho hlophisa likarolo tsa thuto ena le likarolo tsa "Boithuto ba Bibele III":

- a. Sehlooho le Tlhophiso (Mal 1:1-5).
- b. Ho se ts'epahale le boikaketsi ba Israele, li ea khalengoa (Mal 1:6-2:16).
 - a. Ho se ts'epahale le boikaketsi ba baprista (Mal 1:6-2:9).
 - 1) Sebe sa baprista (Mal 1:6-14).
 - 2) Kotlo le kahlolo ea baprista (Mal 2:1-9).
 - b. Ho se ts'epahale le boikaketsi ba Sechaba (Mal 2:10-16).
- c. Ho tla ha Morena ho a phatlalatsoa (Mal 2:17-4:6).
 - a. Sepheo sa ho tla ha hae: ho hlokeisa (Mal 2:17-3:6).
 - b. Karabelo e nepahetseng bakeng sa ho tla ha hae: ho baka (Mal 3:7-4:3).
 - c. Phatlalatso ea semolao (Mal 4:4-6).

BOITHUTO BA BIBELE IV

II. Karolo ea #1: Sepheo sa ho tla ha Hae: Ho hloekisa (Mal 2:17-3:6).

Notes —

A. Boithuto ba Tlhophiseho le Khaeho ea karolo ea #1.

a. Temana ea 17.

- a. Temana ea 17 e lokisetsa Mal 3:1-6. E tsetsisa boemo boo ho bona, Molimo a tla etsa phatlalatso le tsebiso ea ho tla ha Morena. **Ke boemo bo fe boo?**

- 1) Ka kakaretso, boemo bona ke ba ho se ts'epahale le boikaketsi ba Baisraele bo hlalositsoeng likhaolong tse peli tse fetileng.
- 2) Ka kotloloho, boemo bona ke lipolelo tsa boikaketsi bo nang le boikhohomoso, boo ka bona Israele e nyenyefatsang Molimo.

- b. Hape, re boetse re bona tlhophiseho e kenyeletsang moo Molimo a buang, batho ba botsa Molimo joalokaha e ka ha ba utloisise mantsoe a Molimo, le moo Molimo a arabelang ho hlakisa ntlha. **Tlhophiseho ee e lupang?**

- 1) Joalokaha re se re bone ho Mal 1:2, 6, 7 le Mal 2:14, sechaba sa Israele se bonahala se sa bone boikaketsi le ho se ts'epahale ha sona. Hona ke karolo e kotsi ea boikaketsi. Tlhophiseho ena e supa hore motho ea mong eo boikaketsi bo mothetsang ke eena (motho ea ikaketsang).
- 2) Hona ke kotsi e kholo ea boikaketsi. Bo tlatse ea phelang ka bona thetso.

BOITHUTO BA BIBELE IV

Notes

- c. lintlha tsa temana ena li tloha mantsoeng a kakaretso **“MANTSOE A LONA”** ho ea mantsoeng a kotloloho **“LE RE”**. Mantsoe a **“KHATHATSANG”** Morena a hlakisoa karolong ea bobeli ea temana

1) Ho bolelang hore Morena oa Khathatsoa?

- a) Rea tseba hore hona ha ho bolele hore Morena o ile a khathala nameng (see Is 40:28). Empa Esaea o re Molimo o khathatsoa ke sebe sa sechaba sa hae (sheba Esa 43:24; 7:13).
- b) Molimo o khathatsoa le ho tenoa ke mantsoe a mabe a batho ba ikaketsang. Mamello ea hae e ea fela. O tenoa ke sechaba sa hae se sa halaleleng, empa ba belaella khalalelo ea Molimo.

2) Israele e belaella khalalelo ea Molimo joang?

- a) Sechaba sa Israele, **ha se** batho ba hanang boteng ba Molimo. Kahoo, ha ba re, **“O KAE MOLIMO OA KAHLOLO,”** ha ba belaele hore na oa phela kapa che. Empa ba belaella boleng le sebopeho sa Molimo eo ba ntseng ba tseba hore oa phela.
- b) Ntho ena e mpe le ho feta ho se lumele ho hang (joalokaha boikaketsi bo le bobele ho feta ho se lumele ho hang: sheba Mareka 12:40). Lipotso tsa Israele, li etsa ntho e mpe ho feta pelaelonyana ho Molimo. Ba nyenyefatsa Molimo. Israele e nyenyefatsa khalalelo ea Molimo.

3) Temana ee e hokahana le e pejana ho eona joang?

- a) Tsela e ngoe ea ho araba potso ena ke ho elelloa hore, taba ea ho khathatsoa e hlaha pele ho temana ena. Ho Malakiea 1:13, re bona hore baprista le bona ba ne ba khathatsehile. Ba ne ba khathalitsoe ke litholoana tsa boikaketsi ba bona. Leha ho le joalo, hona ha ho a ka ha ba khannella pakong. Empa e ile ea tsoelapele ho tlisa boikaketsi hobane ho bata ha tumelo ea bona (ho se bake) ho ile ha akofisa boikaketsi ho ea pele.

BOITHUTO BA BIBELE IV

- b) Baprista ba ne ba khathatsehile ke ho bata ha tumelo ea bona kaha ba ne ba sa utloe e na le moelelo.
- (1) Molimo le eena o khathatsehile ke boikaketsi ba bona. Se mokhathatsang le ho feta ke hoba ba sa bone sebe sa bona. Hona ho holisoa ke ho bonahala ha boikaketsi ba bona.
- (a) Moetsalibe(Israele) o labalabela hore Molimo a ahlole baetsalibe.
- (b) Moetsalibe o batla toka, empa boikaketsi ba hae bo mofoufatsa hore a se bone hore le eena ke moetsalibe.
- (2) Temana ena ea hlolla. Buka eohle ea Malakiea e supa Israele e le baetsalibe. Empa baetsalibe bana, ba lula ba ingamangama ka hore Molimo ha a hlole baetsalibe. Hantle-ntle, ba hlile ba ikopela kahlolo (sheba o be u bonts'e hore na melao ea Matheu 7:1-5, e etsa Malakiea 2:17 hore e be temana e hlollang joang).

Mohlala oa Sengoli:

Ho ts'oana le ngoana ea ileng a tlola taelo ea ntata'e ea hore a se bapalle ntle, seterateng. Ha ngoana a mathela ho ntata'e ho 'molella hore o bone abuti'ae a etsa ho hong ho fosahetseng, ntate oa hae oa mosheba e be o re, 'Hobaneng o ts'oenyehile ka abuti oa hau, feela le uena o sitoa ho etsa ka moo ke o laelang ka teng?

Beha Mohlala oa Hau:

Notes

BOITHUTO BA BIBELE IV

Notes

2. Temana ea 3:1.

- a. Molimo o araba potso e tlang pele. O hokae Molimo oa kahlolo/ oa toka? Bonang, ke tlo moromela. Ke tlo romela “**MORENA** eo le mobatlang.” Morena e bolela Molimo oa toka/ oa kahlolo (sheba Sakar 4:14; 6:15).
- b. Re bona ponts’o ea batho ba babeli ba fapaneng temaneng ena. “**LEQOSA**” le otlollang tsela bakeng sa “**MORUMUOA OA SELEKANE.**” Oa pele o hlalosa e le “**LEQOSA LA KA.**” Oa bobeli o bitsoa “**MORENA**” le “**MORUMUOA OA SELEKANE.**” Molimo, kapa Morena oa makhotla, o romela batho bao bobeli. Ithute sets’oants’o sena.

BONANG ‘NA (Molimo ntate) KE TLA ROMELA...HO BOLELA MORENA OA MABOTHO:

Morumuoa		O tla batalatsa tsela ka pele ho ‘na
Morena	eo le ‘matlang	O tla tla tempeleng
Morumuoa oa Selekane	eo le tlang ho thabisoa ke eena	bonang, o oa tla (letsatsi la ho tla ha hae: tem.2)

- c. Batho baa ke bo mang?
 - 1) Joalokaha re se re bonts’itse, Morena (kapa morumuoa oa selekane), ke Molimo oa kahlolo. Hona ho lumellana le Malakiea 2:17, le taba ea hore o tla tla “**TEMPELENG EA HAE.**” ke eena mong’a tempele. Hona ha se mang kapa mang, ntle le Molimo ka sebele sa hae (e leng taba e lumellanang le hore “**MORENA**” e hlalosa Molimo).
 - a) Molimo ntate o romela Molimo-Mora, eo e leng Mesia kapa morumuoa oa selekane.
 - b) Kannete-nete, re bona ho Esaea 9:7 hore Mesia o tlile ho phethahatsa selekane sa Davida (hlokomela ts’ebeliso ea “toka/kahlolo” le “Morena oa Mabotho” temaneng ena).
 - 2) Motho e mong ea bitsoang “**LEQOSA LA KA**” ho shebahala e le Johanne Mokolebetsi (Sheba Esa 40:3-5 le Mareka 1:2, 3).

BOITHUTO BA BIBELE IV

3. temana ea 2.

Notes

- a. Lentsoe “**EMPA**” le etellapele phapano.
- b. Phapano ee ke e fe?
 - 1) Phapano e etsoa ka ts’ebeliso ea pheta-pheto. Temaneng ea 1, rea bona hore “**OA TLA.**” Temaneng ea 2, re bona tlhahiso ea hore na o “**TLA HLAHA JOANG?**” temaneng ea 1, batho ba “**IPATLELA**” ho tla ha Morena. Ba ithabela ho eona. Leha ho le joalo, temaneng ea 2, ponts’o ea hae ha e thabise ho hohang. E bapisoa le mollo, ‘me potso ke hore na batho ba tla khona ho ba le mamello.
 - 2) Phapano e teng pakeng tsa chalimo ea batho ea ho tla ha Morena le bonnete ba ho tla ha Morena. Le bona re boela re bona ho hlolla ho ileng ha hlaha temaneng ea 2:17. Batho ba batla ho bona Morena oa kahlolo/toka. Leha ho le joalo, ha ba utloisise tsela eo ho tla ha Molimo oa toka/kahlolo, ho tlang ho ba ama ka eona. Molimo o re, “Na le fela le tiile ha le re le batla seo le buang ka sona?”
 - a) Ho hlolla ha taba ena ke hore, **litebello** tsa ho tla ha Mesia tsa batho le **bonnete** ba ho tla ha Mesia ha li lumellane. Temaneng ea 1, re hlokomelisoa ka hona ka ts’ebeliso ea lentsoe “**ME HANG**” le lulang le sebelisoa Testamente ea Khale ho bonts’a ketsahalo e kotsi kapa kahlolo ea Molimo.
 - b) Lipotso tsena, “**E BE KE MANG EA TLA TIISA?**” le “**KE MANG EA KA EMANG?**” li hopotsa Baisraele hore bona ka sebele ha ba a itokisetsa ho tla ha Morena (sheba Amose 5:20 o ipapisitse le molaetsa oa phapano temaneng ena).
- c. Hobaneng phapano ee e le teng?
 - 1) Lentsoe “**HOBANE**” le hlahisa karabo ea potso ena.
 - 2) Lebaka leo batho ba ke keng ba thaba ho ea kamoo ba nahanang ka teng ha Molimo oa toka a hlaha, ke hore o tla tla joaloka “**MOLLO OA SEBOPI KAPA SESEPA SA SEHLATSOI.**”

BOITHUTO BA BIBELE IV

Notes

d. Mollo oa sebopi kapa sesepa sa sehlatsoi, li bolelang?

- 1) Mollo oa sebopi ha o senye. O oa hloekisa. Hona ke hore, o chesa eng le eng e sa hloekang (sheba Math 3:11, 12). Taba ea ho hloekisa e bonoa pheta-phetong ea lentsoe lena temaneng ea 3.
- 2) Sesepa sa Sehlatsoi, ke sesepa se ka hlatsoang ekasitana le mefopholi e ts'abehang ka ho fetisisa. ke sesepa se etsang hore liphahlo li be ts'oeu hape.

4. Temana ea 3.

- a. Temaneng ena, re bona tsoelopele ea lebaka leo phapano e leng teng. Hona ke hore, re bona tsoelopele ea hore na ho tla ha Morena ho tla ba joang.
 - 1) Re lokela ho sheba hore Malakiea o sebelisa lentsoe **“LULA.”** Molimo o ts'oants'oa le **“MOQHIBILIHISI”**(motho ea sebetsanang le ts'epe ka matla). O boetse o bonts'oa a lutse (motho ea nang le mamello e kholo).
 - 2) Mona re bona mamello le tsotello eo Molimo a nang le eona bakeng sa sechaba sa Hae.
- b. Lentsoe la mantlha temaneng ena ke **“LEVI.”** Hona hore hopotsa mantsoe a ho Mal 2:4, **“HORE SELEKANE SA KA SE TLE SE TSOELEPELE KA LEVI.”** Ke Levi ea tlo hloekisoa.

BOITHUTO BA BIBELE IV

c. Hobaneng Levi a tlang ho hloekisoa?

Notes

- 1) Lebaka le hlahisoa ke mantsoe **“E LE HORE.”** E le hore khumamelo ea sechaba sa Molimo e tle e boele e be le bohloeki hape.
- 2) Re bona ha morao temaneng ea 6 hore, ke hobane Molimo a sa fetohle, kahoo **“BARA BA JAKOBO”** ha ba che (ha timetsoe ka botlalo). Molimo o ts’epahalla selekane sa hae. Ha a fetohle. Kahoo, ha a na lumella hore selekane se hlolehe. O tla hloekisa Levi (a ba khaleme) e le hore a boloke selekane se ntse se phela.
 - a) Kahoo, karolo ea temana ena ke kakaretso ea Mal 2:1-9.
 - b) Karolo ea bobeli ea temana ena, ke tharollo ea Molimo malebana le Mal 1:6-14.

5. Temana ea 4.

a. Temana ena e hlalosa sephetho sa tlhoekiso.

b. Qetello/Sephetho ke se fe?

- 1) Lentsoe **“JOALOKA”** le bonts’a sephetho.
- 2) Ke hore, Sechaba sa Molimo se tla khahlisa Molimo (ho ena le ho motlontlolla joalokaha ho ile ha etsahala).
 - a) Temaneng ea 3, re bona hore ke baprista bao ho buuoang le bona ka kotloloho. Rea bona hore mantsoe **“JOALOKA MEHLENG EA PELE, JOALOKA MENGOAHENG EA BOHOLOHOLO”** a amana joang le Mal 2:5-7.
 - b) Re boetse rea elelloa hore mona ho buuo a le sechaba ka mokhoa oa lepata. Hantle-ntle, ke sechaba se tlang mahlabele a nepahetseng kapa a sa nepahalang ho baprista hore ba hlabele Morena. Re lokela re boele re elelloe hore Malakiea o etsa khokahano ka ho pheta mantsoe ana **“JUDA LE JERUSALEMA”** (bona Mal 2:11).

BOITHUTO BA BIBELE IV

Notes

6. Temana ea 5.

- a. Temana ena e etsa sehlohlolo sa ho hlolla ho ileng ha qala ho Mal 2:17. O kae Molimo oa Toka/kahlolo? Temaneng ena Molimo o re **“KE TLA ATAMELA HO LONA KE LE AHLOLE.”** Sechaba sa Israele se ile sa bonts’a ho hloka mamello ha bona ho Malakiea 2:17. Joale mona, Molimo o re ha nako e butsuoe, takatso ea bona ea toka e tla tla **“HANG”** (tem. 1). Ke mohau oa Molimo feela (o bonoang takatsong ea hae ea ho ba hloekisa) o tla ba sireletsa hore ba se ahloloe.
- b. Ho bohlokoa ho elelloa hore hona le mefuta e ‘meli ea libe e tla ahloloe: libe tsa ho etsa tseo ke sa lokeleng ho li etsa le libe tsa ho se etse tseo ke lokelang ho li etsa. Malakiea joaloka baprofeta ba bang ba pele ho eena, o bonts’a tsotello ea Molimo phelisanong ea sechaba sa hae, le tsotello khumamelong eo ba moetsetsang eona. Lintho tsena ha li arohane (mohlala, sheba Jeremia 22:16 le Matheu 22:37-39).
- c. Ke bonyane libe tse tharo tse seng li boletsoe ke Molimo hore li teng chabeng sa hae:
 - 1) Bafebi (Sheba Mal 2:14-16).
 - 2) Ba hlapanyang ka leshano (sheba Mal 1:14).
 - 3) Ba se nang ts’abo ea Molimo (sheba Mal 1:6).

BOITHUTO BA BIBELE IV

7. temana ea 6.

a. Temana ena e hlaha e le qetello ea karolo ena.

b. **Qetello ke e fe?**

- 1) Qetello e hlaha ka mokhoa oa lebaka. Ka kotloloho, ke lebaka leo sechaba sa Molimo se ke keng sa timetsoa ka botlalo. Ke 'nete ba ne ba etsa tse ling tsa libe tse neng li boletsoe temaneng e fetileng, empa Molimo a ke ke a ba timetsa ka botlalo ka hobane Molimo ha a fetohe. E, ho tla ba le kahlolo (tem.5), empa pele ho moo, ho tla ba le khalemo (tem. 2-4).
- 2) Molimo ke Molimo oa Selekane. Joalokaha re bone pejana (Malakiea 1:1-5), toka ea Molimo e hlaloso ho ipapisitsoe le bots'epahi le poloko ea lits'episo tsa hae. Molimo ha a fetohe. O ts'epahalla selekane sa hae. kahoo, Israele e tla hloekisoa le ho otlolloa ho ena le ho timetsoa. Hona ke eona qetello
- 3) Moelelo oa karolo ena o boetse e qetelloa temaneng ena. Mona re bona tlhaloso e ntle ea toka ea Molimo (HA KE FETOHE). Taba ena ke e ka sehloohong tokeng. Ka 'nete ke eona feela ntho e pholosang sechaba sa Israele. Empa ke batho ba belaellang le ho nyenyefatsa Molimo oa toka (Mal 2:17).

Notes

—

BOITHUTO BA BIBELE IV

Notes

—

B. Lethathamo la Khaeho le Tlhophiseho ea Karolo ea #1 (o sebelisa lethathamo, qholotsa baithuti ho hloaea kamano pakeng tsa likarolo).

- a. Tlhophiso (Mal 2:17).
 - b. Karabelo e hlakileng ea Molimo (Mal 3:1-5).
 - a. Karabo e akaretsang ea Molimo (Mal. 1).
 - b. Phapano ea moelelo (Mal. 2-4).
 - 1) Polelo ea Phapano (tem. 2a).
 - 2) Tlhaloso ea Phapano (tem. 2b).
 - a) Nts'etsopele ea tlhaloso (tem. 3a).
 - b) Sepheo/lebaka la liketso tsa Molimo (tem. 3b).
 - c) Litholoana tsa liketso tsa Molimo (tem. 4).
 - d) Sehlohlolo sa Phapano (tem. 5).
 - c. Qetello (3:6).
- C. Qetello ea Karolo ea #1.**
- a. Lintlha le Mehopolo e qetellang.
 - a. Hoja e se ka Mohau le mosa oa Molimo, sechaba sohle se ka be se ahloloa ebile se timetsoa ho tu.
 - b. Ka nako e ngoe re belaela toka ea Molimo, leha re ne re ke ke ra fumana pholoho kantle ho eona.
 - c. Ka nako e ngoe, ntho eo re nahanang hore rea e hloka (chalimo ea rona ea toka), ke eona ntho e ka re isang timelong. Ha e ne e ba Molimo a ka hla a sebetsa ka toka ea hae ho se mohau le bots'epehi seleaneng sa hae, bohle re ne re tla timela ka botlalo. Ho ne ho se le ea mong ea tla pholoha.
 - d. Molimo o ts'epahala kamehla le ha rona re sa ts'epahale.

BOITHUTO BA BIBELE IV

- e. Serapa se qala ka potso **“O KAE MOLIMO OA TOKA?”** e qetella ka tlhaloso ea toka ea Molimo (**“NA, MORENA, HA KE FETOHE**). Toka ea Molimo e ipapisa le bots’epehi ba hae selekaneng le lits’episong tsa hae.

Potso ea Puisano

Bua ka litsela tso re ka sebelisang tlhaloso ena ea toka maphelong a rona.

- b. Polelo e akaretsang. Lehlakore la Molimo leo sechaba sa hae le neng le le belaella, ke lehlakore la Molimo le neng le ba ts’ireletsa timelong.
- c. Sehlooho. Toka le Kahlolo ea Molimo li ea tla.

III. Karolo ea #2: Karabelo e nepahetseng malebana le ho tla ha hae: Ho baka (3:7-4:3).

A. Boithuto ba Khaeho le Tlhophiseho ea Karolo ea #2.

- a. Temana ea 7.
- a. Mona re boetse re bona khaeho le tlhophiseho e kenyeletsang polelo, potso, karabelo. Karolo e ncha e ea qala ha Molimo a etsa polelo e ncha ka ho se ts’epahale ha Israele.
- b. **Qaleho ea karolo ee e amana joang le karolo e fetileng?**
- 1) Taba ea bots’epehi ke eona khubu ea karabelo ea potso ena.
 - 2) Ho Mal 3:6, re bone hore qetello ea karolo e fetileng ke hore Molimo oa ts’epahala. Ha a fetohe. Phapano pakeng tsa Molimo le Israele e hlakile, ha Malakiea a etsa phethiso ho ea karolong e ncha. Molimo o ile a netefatsa bots’epehi ba hae kamehla. Israele e lutse e bonts’a phokolo ea bots’epehi.

Notes

BOITHUTO BA BIBELE IV

Notes

—

- c. Lentsoe la Mantlha temaneng ena ke “**KHUTLELANG.**” Le phetoa ha raro.

1) **Lentsoe lee le bolelang?**

- a) Le bolela ho fetola tsela. Taba e ne e le hore Baisraele ba ne ba tloha ho Molimo. Molimo o ba qholotsa ho “**KHUTLELA**” ho eena kapa ho fetola tsela. O batla ba khutle, ba khutlele ho eena.
- b) Haeba ba khutlela ho eena, le eena o tla khutlela ho bona.

2) **Molimo eena o tla khutlela ho bona joang?**

- a) Bonyane re na le leselinyana la tsela e le ngoe eo a tla khutlela ho bona ka eona ha re sheba nts’etsopele pakeng sa khaeho ea temana ena le temana ea 10.
- b) Temana ea 7 e ts’episa hore ha ba khutlela ho Molimo, le eena o tla khutlela ho bona. Temana ea 10, e bonts’a ho khutlelana hona boemong ba lichelete. E haehile ka tsela e ts’oanang. E re haeba ba fana ho Molimo, Molimo le eena o tla ba fa.

- b. Temana ea 8.

- a. Hona le litsela tse ngata tsa ho khutlela ho Molimo. Boemo ba lichelete ke mohlala oo Molimo a o khethileng boemong bona. O qholotsa Baisraele ho fetoha boemong ba lichelete, ba boele ba fane bakeng sa mosebetsi oa Molimo.

BOITHUTO BA BIBELE IV

Mohlala oa Sengoli:

Motho e mong o kile a re, ‘motho o latela sepache sa hae’ (polokelo ea chelete ea hae). phetoho tabeng tsa lichelete, ke sesupo sa phetoho ea ‘nete bakeng sa likarolo tse ling tsohle tsa bophelo. Kahoo, Molimo o khetha ho tsepama karolong ena ea sebe.

Beha Mohlala oa Hau

Notes —

- b. Boshome bo ne bo sebelisoa ho ts’ehetsa basebeletsi ba Tempele (sheba Levit 27:30; Numere 18:21). E ne boetse e sebelisoa ho thusa bahlolohali, likhutsana, le balichaba (sheba Deutr 14:28, 29). Ha boshome bo ne bo sa fanoe, hoo ho ne ho ama lihlopha tseo tsa batho hampe haholo (sheba sena o ipapisitse le 3:5c).
- c. Temana ea 9.
 - a. Mona re bona tholoana ea ho qhekanyetsa Molimo (ho bohlokoa ho hlokomela hore “**Na**”, e sebelisoa ka matla, le hore leha mashome a sa ee ho bahloki le basebeletsi ba tempele, ke Molimo ka sebele ea qhekanyetsoang). Qetello ke hore ba etsang sena ba lihloa thohako le bomalimabe (ikhopotse 2:2,3).

BOITHUTO BA BIBELE IV

Notes

b. Ke eng eo Molimo a e lihellang thohako?

- 1) Ha re ntse re ikhopotsa le ho sheba Mal 2:2, 3, re tla hopola hore Molimo o thibela litlhohonolofatso tsa bona. Ha re ithuta boemo ba Histori ba Malakiea, re elelloa hore e ngotsoe nakong eo Israele e neng e otloa ke tlala haholo, le likoluoa tse kenyeletsang komello, le ho senyeha ha lijalo. Molimo o lihela Baisraele thohako malebana le sebe sa bona. Haeba ba sa batle ho fa Molimo karolo ea lijalo le litholoanan tsa bona (litlhohonolofatso tsa bona), Molimo o tla rohaka tlhahiso ea lintho tsa bona. Malakiea o hlalosa hona haholoanyane temaneng ea 11.
- 2) Hona ke molao oa Bibelet (sheba Lipro 11:24), 'me o hlalosa lebaka leo ba bangata ba nang le bothata ba lichelete. Ha re qhekanyetsa Molimo, hantle-ntle re qhekanyetsa rona hobane re etsa hore litholoana tse kotsi tsa molao oona li be ts'ebetsong.

d. Temana ea 10.

- a. Mona re bona sesupo sa hore Molimo o ne a rohaka lijalo tsa bona. Likarolong tse ling tsa Bibelet, polelo **"MEHLOLI EA LILIBA TSA LEHOLIMO"** e bua ka tlhahiso le mpho ea lijo tse ngata-ngata (sheba 2 Marena 7:2, 19; Lipesa 78:23, 24).
- b. Taba ea mantlha temaneng ena, e fumaneha qholotsong eo Molimo a e fang sechaba sa hae. o ba qholotsa hore ba **"MOLEKE."**

c. Hobaneng Molimo a qholotsa sechaba sa Hae ho moleka?

- 1) Mohloli o moholo oa boikaketsi ke pelaelo. Pelaelo e etsa hore batho ba etse lintho ka tloaelo, 'me hoo ho fokolisa tumelo e hlokoang hore litholoana li behoe. Ha ho se litholoana, pelaelo e ea eketseha, 'me litloaelo li ea hola, hoo ho matlafatsa boikaketsi. Ke selikalikoe se sa feleng. Sechaba sa Molimo se ne se ts'oasitsoe ke selikalikoe sena. Boikaketsi ba bona bo entse hore ba se bone litholoana ho hang. Ho se bone litholoana, ho entse hore ba tebe boikaketsing, 'me hoo ha etsa hore litholoana li qephe le ho feta. Israele e ne e lokela ho tsoseletsoa. Ba ne ba lokela ho choatla selikalikoe seo sa boikaketsi ba bona bo se hlahisitseng. Kapele, temaneng ea 14, re bona hore hona ehlile ke taba: **"LE ITSE, 'HA HO THUSE LETHO HO SEBELETSA MOLIMO."** Karolong ea 1:6-14, re bone hore ho se lumele ho hlahisitse boikaketsi. 'me baprista ba ne ba tenehile hobane ba sa bone litholoana tsa ts'ebetso ea bona (tem. 13).

BOITHUTO BA BIBELE IV

- 2) Kahoo, tekong ea ho roba selikalikoe seo sechaba sa Hae se neng se ts'oasitsoe ho sona, Molimo o ba qholotsa ho moleka. O ba qholotsa ho leka matla a kutlo. O ba qholotsa ho leka bots'epehi le seriti sa hae.

Notes

e. Temana ea 11.

- a. Temana ena e sebelitse e le nts'etso-pele ea temana ea 10b. Molimo o tla ba hlohonolofatsa ho ena le ho ba lihela thohako.
- b. Lentsoe “**SESELI**”, le bua ka litsie tse bakang ts'enyolo lijalong (sheba Joele; Deutr 28:39, 40). Molimo o tla li thibela. Hoo ke hore, o tla laela seseli (ka matla le boholo ba hae) ho emisa ho senyetsa sechaba sa Israele le lefats'e la bona.
- c. Ha se bohlae ho “**QHEKELLA**” motho ea nang le matla le boholo bo bokaalo!

f. Temana ea 12.

- a. Mona re bona tholoana e hlolang haholo ea lintho tsena kaofela.
- b. **Tholoana e hlalisoang ke ha Molimo a netefaletsa Baisraele ka bo-cena ke e fe?**
- 1) Hona ho amana le bopaki ba Israele “**LICHABENG**” tse ling. Boemong bona re lokela ho ikhopotsa ka pitso ea borumuoa, ts'ebeliso ea pheta-pheto ea lebitso “**MORENA OA MABOTH**” (hopola hore e sa tsoa phetoa hape ho 3:1, 5, 7, 10, 11, 12). Re lokela hape hore re elelloe (boela o shebe Mal 1:2, 5, 11, 14) hore lebitso “**MORENA OA MABOTH**” le sebelisoa malebana le Israele le bopaki ba Israele “**LICHABENG**” tse ling, le litlhohonolofatso tsa hae.

BOITHUTO BA BIBELE IV

Notes

2) hape, re boetse re hopotsoa ka phetiso ea neheletsano ea selekane sa Abrahamama. Ka tsela e itseng, litlhohonolofatso tsa Israele, li lokela ho hlohonolofatsa lichaba tse ling. Testamenteng ea Khale, hona ho etsahetse ka Israele. Ha Israele e ne e khahlisa Molimo, Molimo o ne a hlohonolofatsa Israele. Hona ho ile ha hlahisa bopaki ka bonnete ba Molimo lichabeng tse ling. Ka tsela ena, lichaba li ne li hlohonolofala.

- a) Mabaka a Molimo a ho netefatsa boleng ba hae, a lumellana le mabaka a hae a ho khetha Israele (ikhopotse Deutr 7:8). O batla ho bonts'a Israele lerato la Hae. o boetse o batla ho boloka selekane seo a se tlabotseng le Abrahamama, le ho phethahatsa merero ea hae ea selekane.
- b) Ka ho fetisisa, litlhohonolofatso tse fuoang Israele, li tla senola le ho bonahatsa Molimo ea mong, oa 'nete lichabeng tsohle. Hona ke karolo eo Molimo a neng a e lebeletse ea morero oa hae oa topollo o neng o sa etsahale ka baka la ho se ts'epahale le boikaketsi ba Israele.
- c) Kahoo, Molimo o ba qholotsa ho **"MOLEKA."** O batla ho roba selikalikoe sa lefu seo Israele e ts'oasitsoeng ho sona, 'me ba qala selikalikoe sa topollo le pholoho, se hahiloeng selekaneng sa Abrahamama.

g. Temana ea 13.

- a. Karabelo e malebana le ho tla ha Morena, ke ho baka. Leha ho le joalo, sechaba sa Israele se ne se sa bake. Mantsoe a bona a tletse **"BOIKAKASO"** khahlanong le Morena. Temana ena e reretsoe ho hlalosa ba hlileng ba hanyetsang lits'episo tsa Morena ka kotloloho temaneng tse fetileng. Temana tsa 13-15 li bonts'a phapano e litemaneng tse moraonyana.
- b. Hape, re elelloa hore ke **"MANTSOE A HAU"** ao e leng bothata (sheba 2:17). Lentsoe **"BUILE"** le tosa puong ea Seheberu, 'me le bolela "ho buisana, e mong ho e mong." Kahoo, temana ea 13, e atolosa bothata bo ileng ba hlahisoa ho 2:17. Batho ba bua le ho belaela, e mong ho e mong khahlanong le Morena. Re ka re ba seba Molimo.

BOITHUTO BA BIBELE IV

h. Temana ea 14.

- a. Mona phapang le khohlano li ea hola. Molimo o re o tla hlohonolofatsa ba tla khutlela ho eena (temana 10-12). Lipolelo tsa sechaba sa Israele li hanana le ts'episo ena. Ba re ha ho **“THUSE”** letho ho sebeletsa Morena. Hantle-ntle, ba bitsa Molimo mothetsi/ralesano.

b. Hobaneng ho nang le phapano?

- 1) Pele, ha re ke re shebeng temana e Testamenteng e Ncha. Bala Jakobo 4:3. Molao ke hore, tsela eo motho a kopang ho hong ka eona, e bohlokoa haholo. Katamelo ea sechaba sa Israele e fosahetse. Ho hloma e ka ba re, ntle le hore ba fumane ho hong ho Molimo, Ha a lokele ke ho fumana nako ea bona. Kahoo, Molimo o ts'episane ka melemo empa ba sitoa ho e fumana hobane ba kopa hampe.
- 2) Taba ea bobeli ke hore, re lokela ho hopola lebaka-baka le mookotaba oa buka ea Malakiea. Sechaba sa Israele, se oele kahar'a khumamelo e batang. Ba sebetsa ka sehlahisoa ho feta ho hahang sehlahisoa. Ba etsa mahlabelo ka tloaelo, empa ba se na kutlo, ba sa khahlise Molimo. Joalokaha re bone pejana, ha ho litholoana tse behoang ho tsoa litloaelong tse joalo. taba ke hore, mantsoe a bona (**“HA HO THUSE LETHO”**) ke *‘nete chalimong ea bona*. Mofuta oa ts'ebeletso le khumamelo tseo ba neng ba li isa ho Molimo, li ne li sa thuse letho (sheba Mareka 7:6, 7). *‘nete ke hore, ho 2:13, batho ba ne ba “lla, ba le bofifing.” leha ho le joalo, ho ne ho se litholoana.* Hobaneng? Na Molimo oa itoants'a? Che! Bofifi ke sets'elo feela. haeba sets'elo sena se sa tlatsoe ka lintho tse nepahetseng (pako, tiiso, jj.), ha e na thuso ka tsela e joalo (boela o shebe 1:10). Molimo ha a itoants'e. Empa sechaba sa hae se na le phapang le eena ka ho nahana hore boikaketsi bo tla beha litholoana tse ntle.

Ntlha ea Puisano

Sheba Math 23:23, 24. Ke joang o ka behang melao ee ts'ebetsong bophelong ba hau?

Notes

BOITHUTO BA BIBELE IV

Notes

9. Temana ea 15.

- a. Temana ena e sebelitse e le qetello ea phapano e pakeng tsa temana tsa 13-15 le 10-12.
- b. **Liphapano tse otlohileng ke li fe?**
 - 1) Temaneng ea 10-12, Molimo o fana ka litlhohonolofatso ho ba **“KHUTLELANG HO EENA”** (baikokobetsi). Empa temaneng ea 15, Baisraele ba ingamangama ka hore **“BAIKHOHOMOSI LE BAIKAKASI”** ke bona ba hlohonolofalang.
 - 2) Temaneng ea 10, 11, Molimo o ts’episa ho hlohonolofatsa le ho atlehisa ba khutlelang ho Eena. Empa temaneng ea 15, baingamangami ba re ba bolotsana ke bona ba atlehang (boela o shebe 2:17).
 - 3) Temaneng ea 10; ho ba nang le pako, **MOLIMO** ka sebele sa hae, o re **“NTEKENG.”** Leha temaneng ea 15, e le ba **BOLOTSANA** ba phephetsang Molimo, empa e ka ha ho letho le ba etsahallang.
- c. Phapano kapa khohlano ena, ke ntho e tebileng haholo. Bolotsana le khanyetso ea seo Molimo a se buang li bonahala li le holimo haholo (e leng seo baingamangami ba se etsang). Ho hanyetseng Molimo, sechaba sa Molimo ka bosona sea itoants’a. Ba ba khahlanong le seo ba seng ba ntse ba se tseba. Ba bitsa batho ba tsebang hantle hore ba rohakehile, ‘ba hlohonolofetseng’ (sheba Lipes 119:21).

10. Temana ea 16.

- a. Temana ena e qala phapano le khohlano e ngoe hape. Sehlopha se seng sa batho (ba temaneng tsa 13-15) ba fapanyoa le sehlopha se seng sa batho (ba litemaneng tsa 16-18). Sehlopha sena sa bobeli, ke tumellanong le temana tsa 10-12.
 - 1) Re lokela ho hlokomela kamoo phapano ena e phetlehileng ka teng.
 - 2) Temaneng ea 13, sechaba se buisana **“KHAHLANONG”** le Molimo, Molimo eena ha a ba tlotle, ha a ba natse. (sheba 2:13). Temaneng ea 16, batho ba ne ba buisana **KA TS’ABO EA MOLIMO** ‘me Morena a utloa.

BOITHUTO BA BIBELE IV

- b. sheba sets'oants'o sena ho bona phapano pakeng tsa lihlopha tse peli tsa batho.

Notes —

Batho ba hlalositsoeng temaneng tsa. 13 -1 5	Batho ba hlalositsoeng temaneng tsa. 16 -1 8
Ba buisana khahlanong le Molimo (1 :13)	Ba buisana ka ts'abo ea Molimo (3 :1 6)
Ha ba na ts'abo ea Molimo (1 :6)	Ba na le ts'abo ea Molimo (3 :16; 1:14)
Mantsoe a bona a khathatsa Molimo (2 :17; 3:13)	Molimo o etse mantsoe a bona hloko, a ba mamela (3 :16).
Ba ne ba nyenyefatsa, ba nyelisa ebile ba sa tlotlise lebitso la Molimo (1 :6 ,12; 2:2)	Ba ne ba phahamisa lebitso la Molimo (3 :16)
Ba ne ba sa bone molemo oa ho sebeletsa Molimo (3 :14)	Ba tla sireletsoa. E tla ba batho ba ka, ho bolela Morena (3 :17)
Ba lahleloa ntle (2 :12)	Ba ea hopoloa (3 :16 ,1 7)
Ba icheba bo bona feela (2 :15,16)	Molimo ke eena ea ba shalimileng (3 :16)

- c. Ho bonahala e ka (litemaneng tse sa tsoa feta) ba ts'abang Morena ke ba sa kang ba oela sebeng sa pelaelo le boichebo.

- d. **Baa bona ba ile ba khona ho sematlala ho lokeng joang? Ba khonne joang hore ba se oele?**

- 1) Ho bonahala ho sa buuoe haholo taba e ka re thusang ho araba potso ena. Leha ho le joalo, e re ba neng ba ts'aba Morena, **“BA NE BA BUISANA.”** Hona ho bohlokoa haholo. Kopano le khokahano ea bona, e ile ea matlafatsa tumelo ea bona, ‘me ea ba sireletsa hore ba se oele lipelelaelalong.
- 2) Kopanong le khokahanong ena ea bona, re bona hore Molimo o ile a ba mamela, a ba utloa. Hona hore hopotsa Math 18:19,20. E, kopano ke matla. E hlahisa litholoana (ntho eo batho ba neng ba e labalabela ka ho fetisisa, *litholoana*).

BOITHUTO BA BIBELE IV

Notes

11. Temana ea 17.

- a. Lentsoe “**ME**” le supa khaeho ea temana ena. Ke nts’etsopela ea melemo eo sehlopha sena sa batho se tlang ho e fumana. Molimo o ts’episitse hore a ke ke a ba timetsa (3:6, 11). Mona o tiisa ts’episo eo. O re o tla ba “**BABALLA.**”
- b. **O tla ba baballa joang?**
 - 1) Sheba pheta-pheto ea “**LETSATSI**” (3:2, 17). Ba tla baballoa ka mokhoa o ts’oanang le ha Molimo a hloekisa temaneng ea 3:2-4, a ke ke a ba ahlola (3:5). Hona ho ts’oana le paballo ea ntat’a (ea khalemang) ho mor’a hae.
 - 2) Lihlopha tse peli li bonahala ka hore, ba bang ba tla hloekisoa ka khalemo, ha ba bang ba tla ahloloe. Ba bang ba tla timetsoa, ha ba bang ba tla baballoa/sireletsoa.

12. Temana ea 18.

- a. Qetello ke hore, ho tla ba le karohano pakeng tsa botle le bobele, le phapang pakeng tsa bakreste ba ‘nete le baikaketsi. Qetello ke hore Molimo oa toka (2:17) o tla etsa karohano e batsi pakeng tsa ba lokileng le ba bolotsana.
- b. **Hobaneng tlhalohanyo e entsoe ka sehlopha se hantle sa batho?**
 - 1) Ke lumela hore Molimo o batla ho hlakisa ntlha ka ho tla ha Mesia.
 - 2) Ho tla ha hae ho tla tsepama haholo ho pholoseng e seng kahlolong. Bala Johanne 3:17.
 - a) Baingamangamang ba ne ba belaela ba na le chalimo e mpe ea toka. Maikutlo a bona a ne a le timetsong le kahlolong ea ba bolotsana. Ba ne ba shebile lehlakore le lebe feela la toka, ‘me hoo ho entse hore ba lahleheloe ke lebaka la ho tla ha Mesia ka botlalo (joalokaha bajudi ba bangata ba entse, ebile ba ntse ba le joalo le kajeno).

BOITHUTO BA BIBELE IV

- b) leha ho le joalo, ho tla ha Mesia ho tsepame hlakoreng le letle la toka ea Molimo. Motho ea atamelang Molimo ka boikokobetso le ka thothomelo, o tla baballoa, a pholosoe.
- (1) Hona ho hlahisa chalimo e nepahetseng ea toka ea Molimo. E hlakisisa le ho tebisa mohau oa Molimo. Batho ba hloka mohau oa Molimo. Ha ba fumane eng le eng hobane e le moputso o ba lokelang, haeba ba **“BABALLOA”**, ke ka baka feela la mohau oa Molimo.
 - (2) Chalimo le maikutlo a baingamangamang, ke hore motho o *tlameha* ke ho fumana ho hong hobane a na le tokelo e joalo. Kahoo, ba sheba lehlakore le seng letle feela la toka. Toka e amana le ho fa ba fosang kotlo.
 - (3) Lehlakore le letle la toka ke hore, ke ntho e **“BABALLANG LE HO SIRELE TSA”** motho ea se nang tokelo ea eng le eng.
- c. Chalimo ena ea toka, e matlafatsoa ke ts’ebeliso ea lentsoe **“SEBELE TSA”** (hlokomela hore na taba ea ho sebeletsa e sebelitse hakaakang litemaneng tse fetileng 18, 17, 14). Phetolelo e betere ea lentsoe la Seheberu ke “lekhoba.” Joalokaha ho bonts’itsoe ho Luka 17:7-10, lekhoba ha le na letho, ebile ha lea lokeloa ke letho. Kutlo le bophethahtsi ba seo a se laetsoeng, ha li **mofumanele** letho. Phethahatso ea litaelo tseo a li filoeng, ke setlamo. Ke lekhoba ha se mohiruo. Moputso oa hae o tla ka **mohau** oa mong’a hae. Malakiea mona o bonts’a ‘nete ena. Batho ba arabelang pitso ea Molimo ba ea **“BABALLOA/SIRELE TSA.”** Ha se hore ba iphumanela sebaka bukeng ea khopolo. Tsepamo ea maikutlo a Molimo oa toka e mohaung, e seng kahlolong ea hae.
13. Temana ea 4:1.
- a. Chalimo ea lehlakore le letle la toka ea Molimo, ha e bolele hore e nena bonnete le boteng ba lehlakore le seng hantle. Mesia o boetse o tla tla e le moahloli (ho tleng ha hae ha bobeli: bala 2 Tim 4:1). Kahoo, tlhalohanyo e pakeng tsa botle le bobele e ea hlahisoa le eona (sheba ts’ebeliso ea lentsoe **“HOBANE”**) ka timetso ea ba bolotsana, (polelo, **“HO SE HLOLE HO SALA HO BONA, MOTSO KAPA LEKALA”** e supa ‘nete ea hore, ba bolotsana batla timetsoa ho tu, hoo ba tla sala ba sena letho: sheba Esek 17:8, 9; Math 3:12).

Notes —

BOITHUTO BA BIBELE IV

Notes

—

- b. mona re hopotsoa ka 1Bakorinthe 3:11-15. Ntho e fe kapa e fe e sa thehoang ho Jesu (ts'abo ea Molimo, kutlo, ts'epo, kamano, jj.) e ea timetsoa. Bohle ba ts'abang Morena ba tla **“PHOLOSOA”** kapa ba **“BABALLOE,”** **“EMPA JOALOKA EA FETILENG HAR'A MOLLO”** (1Bakr 3:15). Hona ke hore, batla hloekisoa le ho hlakolisoa, ho ena le hore ba timetsoe.

14. Temana ea 2.

- a. Lentsoe **“EMPA”** le hlahisa phapano.
- b. **Phapano ke e fe?**
 - 1) Mona hape re boetse re bona phapano ea lihlopha tse peli tsa batho.
 - 2) Khetlong lena, phapano e etsoa ka mokhoa oa qetello. Temaneng ea 1, re bone hore qetello ea ba bolotsana ke timetso e feletseng. Mona temaneng ea 2, re bona hore qetello ea ba ts'abang Molimo ke pholiso le tokollo.
 - a) Maqeba a ileng a etsoa ke sebe a tla folisoa. Liaparo tsa bona li tla soeufatsoa joaloka lehloa (Esa 1:18). Ba tla thala ka nyakallo joaloka manamane a nonts'itsoeng ha ba lokolloa.
 - b) Hape, ho bohlokoa ho elelloa mohau o kahar'e ho toka. Batho bana ha ba so fumane letho. Ba ne ba kula ('me ba tla folisoa), ba ts'oasitsoe ('me ba tla lokolloa).

BOITHUTO BA BIBELE IV

15. Temana ea 3.

Notes

- a. Lentsoe “**ME**” le bonts’a khaeho ea temana ena. Ke nts’etsopele ea tlhaloso ea litholoana tse tla monoa ke ba ts’abang Molimo. “**BA TLA HATIKELA BA BOLOTSANA.**”
- b. **Ke ka tsela e fe ba lokileng ba tla hatikela ba bolotsana?**
 - 1) Lentsoe “**HOBANE**” le hlahisa ntlhaloso ea tsela eo ba bolotsana ba tla hatikelo ka eona. Ba tla hatikelo ke ba lokileng e se hobane ba koatile, ba halefile, empa e le hobane, ba bolotsana e tla be e le “**MOLORA.**” Mollo o etsa molora. Kahoo, ho tsoa temaneng ea 1, rea elelloa hore ba bolotsana ba tla ba joaloka “**MATLAKALA**” ka baka la mollo.
 - 2) Kahoo, tlholo ea ba lokileng e bonoa tabeng ea hore, ba ntse ba tsamaea (ba bolokehile) ha ba bolotsana le ba khopo e le molora o ntseng o hatikelo ka maoto (bala Amose 9:12; Mikiea 4:13; 7:17; Joshua 10:24). Ha ba fumane “tlholo” hobane e le bona ba hlotseng ba bolotsana.
- c. Temaneng ea 18, ho bua ka ba “**LOKILENG LE BA BOLOTSANA.**” Ho 4:1, re bona tlhaloso ea qetello ea ba bolotsana. Ha ho 4:2, re bona tlhaloso ea qetello ea ba lokileng. Empa ho 4:3, qetello ea lihlopha tsena tse peli, e bonts’oa ho ipapisitsoe le tsela eo ba tla amana ka eona.
- d. Litemoso tse peli li lokela ho etsoa. Lebitso “**MORENA OA MABOTH**” le phetoa hangata likhaolong tse tharo. Taba ea “**LETSATSI**” le eona e phetoa hangata. (3:2, 17; 4:1, 3, 5).

Ntlha ea Puisano

U utloisisa ts’ebeliso ea lipolelo tsee joang?

BOITHUTO BA BIBELE IV

Notes

—

B. lethathamo la Tlhophiseho le Khaeho ea Karolo ea #2 (o sebelisa lethathamo, qholotsa baithuti ho hloaea kamano pakeng tsa likarolo).

- a. Qholotso ea ho baka (3:7-12).
 - a. qholotso e akaretsang (tem. 7).
 - b. Qholotso e otlolohileng (tem. 8-11).
 - 1) Seo ba lokelang ho se furalla (tem. 8).
 - a) Litla-morao tsa ho se bake (tem. 9).
 - 2) Tseo ba lokelang ho khutlela ho tsona (tem. 10a).
 - a) Teko kahar'a pako (tem. 10b).
 - b) Lits'episo tsa pako (tem. 10c,11).
 - c) Qetello kapa sephetho (tem. 12).
- b. Mohlala oa ba sa bakeng (3:13-15).
 - a. Selelekela (tem. 13).
 - b. Ponts'o ea phapano pakeng tsa batho bana le lits'episo tsa Molimo (tem. 14).
 - c. Tlhakiso le kotlollo ea phapano le khohlano (tem. 15).
- c. Mohlala oa ba bakang (3:16-18).
 - a. Selelekela se bonts'ang hore na ba fapane joang le sehlopha se seng (tem. 16).
 - b. Nts'etsopele ea melemo ea ba bakileng (vs. 17).
 - c. Qetello ea ponahatso ea melemo ena (tem. 18).

BOITHUTO BA BIBELE IV

4. Litholoana tse amahangoang le lihlopha tse peli (4:1-3)

- a. Litholoana tse amahangoang le ba bolotsana (tem. 1).
- b. Litholoana tse amahangoang le ba lokileng (tem. 2).
- c. Tsela eo litholoana tsa lihlopha tsena tse peli li tla amana ka eona (vs. 3).

C. Qetello ea Karolo ea #2.

- a. Lintlha le mehopolo ea ho qetela.
 - a. Seo motho a se etsang ka sepache sa hae (chelete), ke sesupo se bonts'ang seo a tla se etsa likarolong tse ling tsohle tsa bophelo ba hae. moo re isang chelete ea rona teng, e ka ba sesupo sa moo lipelo tsa rona li leng hona teng (sheba Math 6:21).
 - b. Fanang le tla fuoa (sheba Luka 6:38; 2 Bakr 9:6). E le hore le tsebe ho fana le ho feta.
 - c. Ha re sa fe ba bang, ka ho etsa hoo re phephetsa Molimo ka sebele sa hae (sheba Math 25:34-46).
 - d. Molimo o qholotsa sechaba sa hae ho leka boleng ba hae, bots'epehi ba hae, le matla a hae.
 - e. Batho ba sa lokang ba ka 'na ba bolela hore tsela ea bona e betere. Ba ka ba 'na ba bonts'a le bopaki ba nakoana ba melemo ea tsela ea bona. Leha ho le joalo, qetellong ho tla hlaka hore tsela ea bona e isa timelong.
 - f. Batho bohle ba lokela ho its'etleha ka mohau oa Molimo. Rea "pholoso/baballoa." Ha re iphumanele tsela e eang leholimong. Re pholoso ka baka la karabelo ea rona ho Molimo. Re lokela ho khutlela ho eena ka ts'abo (kutlo, ts'epo, kamano).

BOITHUTO BA BIBELE IV

Notes

- g. ba lokileng le ba bolotsana ba ka hlalohangoa. Botle le bobbe ha li kopane.
- h. Malakiea o boetse o bua le ho lupa ho tla ha Mesia. Ho Mesia re fumana liketso tse ntle tse khahlisang. Ba lokileng ba fapane le ba bolotsana ka hore, ba lokileng bona ba tletse ka Mesia. Ba tlatsoa ka liketso tse ntle, tse khahlisang le bona (sheba Bagalata 2:20).

Mohlala oa Sengoli

Batho ba bangata kajeno ba sebetse mesebetsi ea bosebeletsi ba sechaba (bopolesa, booki, botichere, jj.). Na hoo ho bolela hore ba se ntse ba lokile? Che! Ho loka ha ho hlalohangoe ka chebahalo feela, empa ho qala botebong ba boikutlo. Ba ka 'na ba sebeletsa sechaba. Empa na, ba na le pelo le boikutlo ba bosebeletsi?

Naheng ea America, hona le kereke hukung ea seterata se seng le se seng. Empa na ke bohle ba eang kerekeng ba lokileng? Che! Ho loka ha ho hlalohangoe ka chebahalo feela, empa ho qala botebong ba boikutlo. E ka 'na ba ba khona ho latela le ho boloka melao ea litumelo tsa likereke tsa habo bona. Empa na ba tlatsitsoe ka Jesu, eena ea ileng a phetha thato ea Molimo ka botlalo?

Cheleteng ea America, ho eona ho ngotsoe, **Ho Molimo re na le ts'epo (in God we trust.)**. Empa na bohle ba nang le chelete ea America (Dollar), ba se ntse ba lokile? Che! Ho loka ha ho hlalohangoe ka chebahalo feela, empa ho qala botebong ba boikutlo. Ba ka ts'epa le ho ts'epa Molimo ka linako tse itseng tse tloaelehileng naheng ea bona (joaloka lits'ebeletso tse itseng, matsatsi a khethehileng, kapa mekete e meng ea naha). Empa na ba tletse ka Molimo eo ba reng ba mots'epile?

Beha Mohlala oa hau

BOITHUTO BA BIBELE IV

- i. re ka bua ka litsela tse ‘ne tseo Molimo a hlalohanyang ba lokileng ho ba bolatsana ka teng. Ba hlalohangoa ka limelo tsa bona, liketso, libopeho, le litholoana/lihlahisoa. Sebelisa sets’oants’o sena ho bonts’a hona ka tsela e akaretsang.

Notes

Tlhalohanyo	Ba bolotsana (3:13-15)	Ba lokileng (3:16,17)
Limelo	Ha ba sebeletse Molimo (tem.14)	Ba sebeletsa Molimo(tem.17)
Liketso	Ha ba na kutlo (tem.14)	Ba na le kutlo (tem.16)
Libopeho	Ha ba ts’abe Molimo (tem.13)	Ba ts’aba Molimo(tem.16)
Litholoana	Ho hloka moelelo (tem.15)	Hona le moelelo le khotsofalo (tem.17)

- 1) Semelo ke boleng ba Motho, ‘me ke karolo ea popeho ea hae. hona ho ka holimo ho seo motho a ka se etsang. Ke seo motho a leng sona. Ho ka holimo ho liketso feela tsa basebeletsi. Ke ho ba mosebeletsi.
 - a) Baisraele ba neng ba ingamangama ba ne ba re **“HA HO THUSE LETHO HO SEBELETSA MOLIMO”** 3:14). Ba ne ba beha lipehelo basebeletsing ba bona. Ba ne ba etsa liketso tsa basebeletsi empa e se basebeletsi ka bona.
 - b) Basebeletsi ba re, **“RE ENTSE FEELA SEO RE NENG RE TS’OANETSE HO SE ETSA”** (Luka 17:10). Hona ke hobane feela e le seo ba leng sona, e seng feela seo ba ka se etsang, ha ba lebelletse kapa ho ipatlela moputso.
 - (1) Ke basebeletsi feela ba ka etsang ts’ebeletso e lebeletsoeng, hobane ke basebeletsi feela ba nang le ts’usuemetso kahare ea ho sebeletsa. Lits’ebeletso tse ling, li ea bata ha li na moelelo haeba hoo ho sa tsoe botebong ka hare. Ke sets’elo feela ha ho le joalo.
 - (2) Molimo o sheba moneheli pele a sheba monehelo (boela o shebe tsoellopele ea 1:6-8), ka ho etsa joalo, o etsa tlhalohanyo pakeng tsa ea lokileng le ea sa lokang.

BOITHUTO BA BIBELE IV

Notes

- 2) leha limelo li kenyeletsa ntho e ka holimo ho liketso, hoo ha ho bolele hore li nena liketso. Limelo li etella liketso pele.
- a) Baingamangami, ba bolela hore ha ho thuse letho ho sebeletsa Molimo. Empa na e ne ntse e le batho ba nang le kutlo sethathong? Bana ke bona ba nyelisang lebitso la Molimo (1:6) ka ho etsa menhelo le mahlabelo a sa amoheleng. Ke bona ba nyenyefatsang lebitso la Molimo (1:12), 'me ha ba hlomphe le ho phahamisa lebitso la Molimo (2:2).
- b) Baingamangami bana, ba fapanyoa le ba ts'abang Molimo, ba phahamisang le ho nahana ka lebitso la Molimo. Phapang ke e fe? Batho ba neng ba ingamangama e ne e se bahedene kapa batho ba sa tsebeng Molimo ho hang. E ne e le balateli ba molao. Phapang empa e le hore, kutlo e tsoa pelong. Empa baingamangami ha ba na kutlo ho hang.

Mohlala oa Sengoli:

Ha se taba ea sets'elo feela. taba ke hore na kahar'a sets'elo ho tletseng. Ha se taba ea empanada feela. empa taba ke cheese e tlatsitseng empanada. Baisraele ba neng ba ingamangama, ba ne ba leka ho fa Molimo pie e se nang tatso. Ba ne ba leka ho mofa sehlahisoa se senang setsoako.

Beha Mohlala oa Hau

BOITHUTO BA BIBELE IV

- c) “Ts’ebeletso” ea bona e ne e se na letho, e bata. Ba ne ba sa nkele litaelo tsa Molimo pelong (2:2), empa ha e le ba ts’abang Molimo bona, ba ne ba nahana ka lebitso la Molimo. Kahoo, ba bonoa ka liketso tsa bona.
- 3) Libopeho le tsona, li ka tlisa tlhalohanyo pakeng tsa ba lokileng le ba bolotsana. Ba lokileng ba ts’aba Molimo. Hona ke sesupo sa hore ba batla Molimo, ba na le kamano le eena, ebile ba tsamaea le eena. Hona ho boetse ho bolela hore ba nyatsa bobbe (sheba Liprov 8:13), ‘me ba furalla bobbe, e be ba khutlela ho Molimo ka boikokobetso.
- a) Baisraele ba ingamangamang ba bolela hore ha ho molemo oa letho ho **“HO TSAMAEENG le HO LLENG”** kapele ho Morena.
- b) Empa ke mofuta o fe oa ho tsamaea le ho lla hoo ba neng ba ho etsa?
- (1) Joalokaha re bone ho 2:13, ho tsamaea ha bona ho bonts’oa ke ho hloka kutlo ha bona. Ho lla ha bona kapele ho Molimo, ke boikaketsi feela.
- (2) Hape, re bona tlhahiso e se nang letho (ho hloka ts’abo) e ka hlalohangoang le tlhahiso e tletseng (ts’abo ea Molimo)

Notes

—

BOITHUTO BA BIBELE IV

Notes

- 4) ba lokileng le ba bolotsna, ba boetse ba hlalohangoa ka maphelo ao ba a phelang.
- a) Phello/qetello ea maphelo a ba bolotsana e bonoa 3:15. Polelo ea bona e qetellang ha e etse tatello e ntle ea maikutlo. Hore baikhohomosi ba hlohonolofetse, ke ntho e se nang moelelo. Ho feta mona, ba boetse ba re, ba bolotsana ba hlola Molimo. Mona ke tlhoro ea mantsoe a fosahetseng. Boemo ba ho fosahala hona, bo ts'oana le boemo bo fihletsoeng ke mantsoe a Baroma 1:32: **“ha ba li etse e le bona feela, empa ebile ba thoholetsa le ba bang ba li etsang.”** Ho fosahala hona ho boetse ho fumanoa ka ho hanyetsa seo Molimo a se buang. Hona ke ketso e neng e etsoa ke ba neng ba ingamangama ho 3:15. Se behoang ke maphelo a bona ke ho bata le ho hloka moelelo.
- b) Phello ena e ka fapanyoa le e fumanoang temaneng ea 17; hoo ke botlallo le moelelo. Hona ke phapano ea ho hloka moelelo le ho ba le sekheo.
- (1) Hona le moelelo le sepheo maphelong a ba lokileng. Molimo oa ba tsotella, ebile o mamela lipolelo tsa bona. Oa ba hopola, ebile oa ba pholosa.
- (2) Mantsoe a ba bolotsana a tena le ho khathatsa Molimo. ba khaoloa, ba tlosoa boteng ba balokileng (2:2).
- (3) Ba bolotsana ha ba na letho ka ho bona. Ba lokileng ba tletse ka ho bona. Mabitso a bona a behoa bukeng ea khopolo, ‘me ba hlophisetsoa ho ba ba Molimo. Ka bona Molimo o re, **“E TLA BA BA KA.”**
- (a) Ho tlala ho hlahisoa ke ho ba ba-Molimo.
- (b) Hona ho re hopotsa mantsoe a Jesu ho Barutuo ba hae ho Luka 10:20. Botlallo ba ea lokileng ke pholoho. Ke ho ba le bophelo bo sa feleng le Molimo. Hona ho hlalohanya ba lokileng ho ba bolotsana.

BOITHUTO BA BIBELE IV

2) Polelo e akaretsang. Molimo o qholotsa sechaba sa hae ho baka, empa ho tla lula ho na le ba bakang le ba ke keng ba baka ho hang, 'me phello e amahangoang le sehlopha ka seng, e tla hlalohanya lihlopha tseo tse peli tsa batho.

3) Sehlooho. Ho baka, kapa ho se bake? hona ke potso.

Notes

IV. Karolo ea #3: Phatlalatso le Tsebiso (4:4-6).

A. Boithuto ba Khaeho le Tlhophiseho ea Karolo ea #3.

a. Temana ea 4.

a. Molaetsa oohle oa Malakiea, o tsoetse polelo e 4:2, 3, e reng ba lokileng ba tla hlola. Ha a qeta ho fana ka ntlha ena, Malakiea o fana ka khothatso ea phethelo le taelo ho ba ntseng ba emetse hore sena se etsahale. O etsa sena ka ho etsa phatlalatso le ho fana ka tsebiso ea ho tla ha Morena.

b. Ntlha e tebisoang temaneng ea 4, ke kutlo. Molimo o khothaletsa sechaba sa hae ho hopola **“MOLAO, LITAELO le LITEMOSO.”** Tlhakisiso e 3:16-4:3, e bua ka ts’abo ea Molimo.

c. Khokahano ena e lokela ho re hopotsa qetello ea buka ea Moeklesia: **“TS’ABA MOLIMO O BOLOKE LITAELO TSA OONA”** (Moek 12:13).

b. Temana ea 5.

a. Litemana tsa 5 le 6, li re hopotsa ka 3:1, 2. Lentsoe **“BONANG”** le ea phetoa. Polelo **“KE TLA LE ROMELA”** e ea phetoa. Hona le nts’etso-pele pakeng tsa taba ea ho lokisetsa le ho buseletsa. Ho boetse ho bua ka **“LETSATSI.”**

BOITHUTO BA BIBELE IV

Notes —

b. **Re ka etsa liqeto li fe ka khokahano ee?**

- 1) Ho 3:1, re bala mantsoe ana “**BONANG KE A ROMELA.**” Ho 4:5, re bala “**BONANG KE A ROMELA.**” Ho 3:1, ho buua ka hore “**Leqosa la ka**” le tla romeloa. Ho 4:5, ke “**ELIA**” ea tla romeloa. Re ka ‘na ra etsa ea hore “leqosa la ka”, e bolela Elia. Re ka boetse ra re, mosebetsi oa ho lokisa kapa ho hleka tsela kapele ho Morena, ke mosebetsi oa ho hlophisa lipelo tsa sechaba sa Molimo.
- 2) Re ka ts’ehetsa maikutlo a liqetong tsena, ra ba ra atolosa moelelo oa tsona ho tse Testamenteng e Ncha (mohlala, sheba Math 11:14; 17:10-12; Luka 1:17; Mareka 1:1-4).

c. Temaneng ena, ho tsepamisitsoe maikutlo ho Elia (Moprofeta). Temaneng ea 4, ho ne ho buuoahaholo ka Moshe (ramolao). Tsebisoe ena e etsoa ka ho tla ha Mesia, re elelloa hore Molimo bua ka Molao le Baprofeta.

- 1) Re tla hopola hore Elia le Moshe ba ile ba itliahisa le ho ema le Mesia thabeng pele a ea sefapanong. (Sheba Math 17:3, 4).
- 2) Molao le baprofeta, li hokahanyoa le Jesu Testamenteng e Ncha (mohlala, sheba Luka 24:44; Johanne 1:45; 5:39).
- 3) Kahoo, mona re na le khokahano e hlakileng pakeng tsa Testamente ea Khale le e Ncha phethelong ea lingolao tsa Testamente ea Khale.

BOITHUTO BA BIBELE IV

c. Temana ea 6.

- a. Lentsoe “**ME**” le bonts’a nts’etso-pele ea tlhaloso e malebana le Elia. Mosebetsi oa hae e tla ba ho busetsa lipelo tsa bontat’a ho bana ba bona, le lipelo tsa bana ho bo-ntat’a.
- b. **Polelo ee e bolelang?**
 - 1) Mona hape, re lokela ho lumella Testamente e Ncha ho toloka Testamente ea Khale. Bala Luka 1:16, 17.
 - 2) Ea tlang ho lokisa le ho hleka tsela ea Morena (sheba 3:1), o tla busetsa lipelo tsa sechaba sa Molimo ho Morena. Kutlo, bohlale le toka li hokahangoa le polelo ena.

Ntlha ea Puisano

Bolela seo bontat’a le bana ba lokelang ho se etsa ha ba khutlela ho Molimo.

- c. Lentsoe “**HO RE KE SE TS’OHE**” le supa hore ho ka ‘na ha ba le boikhethelo bo itseng.
- d. **Monyetla o mong e ka ba o fe?**
 - 1) Monyetla o mong oa ho romela Elia e ka ba ho “**OTLA LEFATS’E KA THOHAKO/BOMALIMABE.**” Lentsoe la Seheberu le bolelang thohako, le bonts’a timetso e feletseng ea se lihetsong thohako. Leha ho joalo, Molimo o ts’epahalla selekane sa hae leha sechaba sa hae se ka se ts’epahale. (sheba 2 Tim 2:13).
 - 2) E ka Molimo o re, “**Ke romela Elia hobane, haeba ke sa moromele, ke tla lokela ho etsa ntho eo ke sa tlo khona ho e etsa. Ke tla lokela ho latola selekane seo ke se entseng le lona.**”

Notes

—

BOITHUTO BA BIBELE IV

Notes

—

B. Lethathamo la Khaeho le Tlhophiseho ea Karolo ea #3 (o sebelisa lethathamo, qholotsa baithuti ho hloaea kamano pakeng tsa likarolo).

- a. Seo batho ba lokelang ho se etsa: ba be le kutlo (4:4).
- b. Seo Molimo a tla se etsa: Ho romela Elia (4:5, 6).
 - a. neng? Pele ho “letsatsi”(tem. 5b).
 - b. Ho etsa eng? O tla busetsa/boelanya lipelo (tem. 6a).
 - c. Hobaneng? E le hore Molimo a tle a lule a ts’epahalletse selekane sa hae (tem. 6b).

C. Qetello ea Karolo ea #3.

- a. Lintlha le Mehopolo e qetellang.
 - a. Kutlo le ts’abo ea Molimo, ke tsona linotlolo tsa katleho.
 - b. Molimo o ka holimo ho tsohle. Morero oa hae o ke ke oa fetoloa ke mang kapa mang (Jobo 42:2). Sechaba sa hae se tla mofuralla, empa o tla sebeletsa hore ba khutlele ho eena.
 - c. Mohau le lereko la Molimo, li kaholimo ho kutloisiso le sekala sa botho. O bile o batla ho ronmela Elia hape ho etsa khoelehetso e ngoe hape ea pako.
- b. Polelo e akaretsang.
 - a. Ka har’a tsebiso ea ho tla ha Mesia, Molimo o fana ka taelo ea seo sechaba sa Hae se tlamehang ho se etsa, ‘me O phatlalatsa seo eena a tla se etsa.
- c. Sehlooho.
 - a. Tsebiso ea ho tla ha Mesia.

BOITHUTO BA BIBELE IV

V. Qetello ea Buka ea Malakiea.

Notes —

A. A ku ikhopotse le ho thuisa tse ling tsa Mabitso, Lipolelo le Lintlha tse phetiloeng.

- a. Mabitso le Lipolelo.
 - a. Lebitso la ka.
 - a. Lichaba.
 - b. Morena oa Mabotho.
 - c. Ho nyelisa.
 - d. Ts'aba.
 - e. Selekane.
 - f. Khutla.
 - g. Romela
 - h. Ho tla.

BOITHUTO BA BIBELE IV

Notes

2. Lintlha.
 - a. Boleng ba Molimo.
 - b. Molemo le tlhohonolofatso.
 - c. Bots'epahi le ho se ts'epahale.
 - d. borumuoa le pelo ea Molimo bakeng sa lichaba
 - e. boikaketsi le litloaelo tse se nang moelelo.
 - f. Tabatabelo ea Molimo ea ho boloka selekane sa Hae.
 - g. Ho tla ha Morena le letsatsi la Morena.
 - h. Tlhalohanyo pakeng tsa botle le bobele.
 - i. Maikutlo a ho “khethoa”

Ntlha ea Puisano

Sebelisa mabitso le lintlha tse ka holimo ho ikhopotsa le ho thuisa molaetsa oa Malakiea.

B. Lintlha tse Qetellang le Boikhopotso.

- a. Malakiea ke buka ea ho qetela pele ho Testamente e Ncha. Nchafatso le tokiso, li ne li lokela ho etsahala ho hlophisetsa tsela ea ho tla ha Mesia. Molaetsa oa Malakiea, o ne o lokela ho phatlalatsoa pele ho liketsahalo tsa bophelo ba Johanne Mokolobetsi. Re ka re Malakiea 4:5 e ne lokela ho ngoloa pele ho Mareka 1:2. Malakiea ke borokho bo pakeng tsa Testamente ea Khale le e Ncha.
- b. Melao ea selekane sa Abrahama (Gen 12:1-3) e teng kahar'a buka eohle ea Malakiea. Israele e ne e le sechaba sa borumuoa se neng se sa phethe morero oa Molimo. E ngoe ea lintlha-kholo tsa Malakiea, ke ho khalema Israele bakeng sa ho fokolloa ke cheseho ea ho ea lichabeng tse ling, le ho bonts'a pelo ea Molimo lichabeng tsa lefats'e.

BOITHUTO BA BIBELE IV

- c. Malakiea o bua ka selikalikoe sa lefu se tsoaloang ke ho se lumele le ke boikaketsi. Boikaketsi bo tsoala pelaelo hobane ha bo behe litholoana. Pelaelo eona e holisa boikaketsi kaha e khotsofatsoa ke bokantle feela. boikaketsi bo tsoelapele ho haha pelaelo, 'me hoo ho tsoala boikaketsi bo holang hape le hape.
- a) Boikaketsi ba sechaba sa Israele, ke ntlha-kholo e tiisoang haholo bukeng ea Malakiea. Sechaba sa Israele se ne se na le “boloetse ba botho” bo hlalosoang ho 1 Sam 16:7. Ba ne ba khotsofatsoa ke ho bona lintho ka mahlo.
- b) Lethathamo lena le bonts'a liphapano tse ka hlahisoang ke “boloetse” bona.
- 1) Sebopeho sa ho loka feela ho loka hona ho le sieo.
 - 2) Litloaelo le melao ho feta kamano.
 - 3) Ho hloka botebo le bonnete khumamelong.
 - 4) Ho ba le sekheo ho ena le ho tlatsoa.
 - 5) Ho hloka matla le mafolofolo.
 - 6) Litloaelo ho ena le kutlo.
 - 7) Ho se tebe le ho bona thetso ho ena le bonnete le metso.
 - 8) Ho latela lethathamo la tsamaiso ho ena le tsoseletso/nchafatso.
 - 9) Lefu ho ena le bophelo.

Ntlha ea Puisano

E le qetello ea sehlopha le boithuto bona, akofisa puisano ea bonnete ba liphapano tsena bophelong ba kereke le maphelong a batho ka bo-mong sehlopheng. E sebelise e le nako ea pako. Qholotsa baithuti ho sebelisa molaetsa oa buka ea Malakiea maphelong a bona haholo ka ho shebana le litsela tseo khumamelo ea bona e ka ntlafatsoang, ea hloka boikaketsi.

Notes

BOITHUTO BA BIBELE IV
